

## A nos cresmands:

**Neu tier nus pussent Sogn Spért. Dai grazias, forza e confiart. Viseta nus, TI dun da Diu. TI, che has nos cors scaffiu.**

A Laax retscheivan ils suandonts scolars e suandontas scolaras il sogn sacrament dalla Creisma:

### 5 avla classa:

Ardüser Alex, Arpagaus Flurin, Bernet Monia, Caduff Janine, Caduff Ronny, Coray Laura, Camathias Enrico, Frese Sabina,

### 6 avla classa:

Barucic Stella, Buchli Alissa, Camathias Anja, Camathias Clau Anton, Camenisch Eva, Cavigelli Livia, Crivelli Melanie, Darnutzer Dennis, Deflorin Silvano, Steiner Vanessa.

### Ils cresmands da Falera ein:

Macedo Natalia e Schnider Linda dil scalem superiur.

**5 avla classa:** Irina Carvalho

### 6 avla classa:

Aldo Quirin Casutt  
Cédric Wellinger  
Joana Vale Bastos  
Linda Arpagaus  
Livia Capaul  
Michaela Schnider  
Nando Cabalzar

Possi il Sogn Spért animar e rinforzar Vies cor per Vossa missiun sco cristifideivels. In grazius di da fiasta e forza per Vies mintgadi el viver cun Diu e cun il concarstgaun.

Da cor beneventein nus il vicari episcopal **Andreas Rellstab** ed engrazien ad el per il survetsch a nos scolars.

Engraziar vulein nus era allas catechetas che han preparau ils scolars per la capientscha dil s. sacrament dalla Creisma:

**Rita Killias, Regula Caduff e Maria Chistell.**



## Abschiede sind es, die verbinden

### Liebe Pfarreiangehörige von Laax und Falera.

Schon gehört meine Zeit in den Pfarreien der nahen Vergangenheit an. Inzwischen habe ich im irdischen Paradies ein schönes Zimmer bezogen und weiss mich in der Gemeinschaft daheim. Ich fühle mich jung unter den **betagten** Schwestern.

Zur Zeit kann ich mich einrichten und mich erholen. Nun möchte ich aber das Danken nicht unterlassen. Ich bin reichlich beschenkt worden, habe überall positive Echos bekommen. Der Abschiedsgottesdienst und die vielen Begegnungen werden mir unvergesslich bleiben. Ich danke allen für alles mit:

### Engraziel fetg per tut a tuts.

### Engraziament ei la regurdientscha dil cor.

Era per mei ei il temps da cumiau gleiti cheu. Jeu vegnel a haver la caschun da dir a Vus, cars parochians, in plaid sin via, in patratg d'engraziament e da bunas regurdientschas el survetsch divin ecumen alla fin digl onn da scola ed el **survetsch divin dalla dumengia, ils 28 da zercladur. Igl apéro ch'ei indicaus el fegl da publicaziuns per Laax e per Falera dat a mi la caschun da sentupar e dad engraziar.**

Cun mei vegn era Rita Killias a calar en siu survetsch da catecheta e da bia engaschi ella pleiv. Ella ei stada agl origin da miu temps ellas pleivs cun dar in impuls da vegnir a Laax e Falera. Cara Rita, per quell'idea, Tiu agid e tut il sustegn che Ti has dau a mi en quels onns engraziel jeu a Ti era cheu el fegl parochial.

Buc il cumiau stat ussa el center da miu patertgar, mobein igl engraziament. Miu survetsch ei staus in eco da Vus, cars affons, giuvenils, parochians el miez dalla veta e vus cars seniors, caras senioras. Dalla tgina entochen la via al davos ruaus hai jeu astgau accumpignar biars e biaras. Quei fatg empleina mei cun in grond e profund engraziament. Engraziar vi jeu a Niessegner che ha dau forza e sanadad, legria e satisfacziun.

**Dieus paghi ditgel jeu a mintgina e mintgin da Vus.**

## Informaziuns per Laax

Communiun dils malsauns: Mesjamna, ils 17-06-09  
**suentermiezdi**

### Gratulaziun:

**Ils 7 da zercladur gratulein nus ad Eugen Hangartner sils 80 onns.** Car giubilar, nus giavischein a Vus in sulegliv di da fiasta, sanadad e benedicziun en Vos gis ed onns el futur.

### Fiasta dil s. Batten

Dumengia, ils 28 da zercladur retscheiva **Naomi Battaglia**, feglia da Zora e Filip Battaglia-Ebnetter, via Cons il sogn sacrament dil Batten. Nus giavischein a nossa nova commembra la benedicziun da Diu ed il sustegn dalla cuminonza cartenta.

### Fiasta da nozzas:

Nus gratulein a

**Simon Caviezel e Ladina Meiler**

sin lur di da nozzas, ils 26 da zercladur.

Nus gratulein era a

**Denise Schlumpf e Vito Di Cicco**

sin lur fiasta matrimoniala. Els maridan a S. Rumetg ils 27 da zercladur.

Ils 6 da zercladur maridan **Sabina Rapacchiale e Markus Wolf** a Cuera. **Judith Toggenburg e Leonhard Hänny** maridan a Siat ils 6 da zercladur. **Miriam Hollinger e Patric Cavigelli** han festivau lur nozzas ils 23 da matg a Siat. Ventira ed igl accumpignament da Diu giavischein nus a Vus per Vossa veta ella lètg.

### Devoziun dils pigns e lur mummas.

Quella pusseivladad per ils affons dad 1 tochen 4 onns e lur mummas e fargliuns less dar als pigns in emprem contact cun la baselgia e la veta religiosa. **Martina Wolf-Cafilisch** ei pronta da menar vinavon quellas devoziuns. Ella lavura ensemen cun Irena Schütz-Winzap da Falera. Bi che Vus segideis en caussa. Bia plascher e satisfacziun seigi regalau a Vus, als affons e lur mummas.



## Informaziuns per Falera

Communiun dils malsauns: Venderdis, 05-06-09 **suentermiezdi**  
Gievgia, 18-06-09 **suentermiezdi**

### Ils suandonts partenaris d'ordeifer festiveschan lur nozzas a s. Rumetg :

Ils 6 da zercladur Antonia Wasescha e Remo Cavegn, Bonaduz.

Ils 13-06 Marion Lang e Patrick Kaufmann, Rueun

Ils 20 -06 Simon Manner e Katrin Kullenta, Hamburg

Ils 27 Denise Schlumpf e Vito Di Cicco, Turitg.

Cordiala gratulaziun e ventira per la veta matrimoniala.



### Gratulaziun

A Josefina e Dumeni Caderas-Cabrin gratulein nus sin lur fiasta da nozzas d'aur ch'els han festivau ils 9 da matg el ravugl dalla famiglia. Possi Dieus aunc dar a Vus vinavon benedicziun e buna sanadad per mintga niev di ed onn.



### La via entscheiva cun igl emprem pass.

Cun plascher savein nus comunicar che **Irena Schütz-Winzap** vegn a surpender las devoziuns cun ils pigns e lur mummas mintgamai inagada al meins sco indicau el fegl parochial.

Era la grupp dil survetsch divin preeucaristic ei dapi entgin temps activa e meina vinavon **4 gadas ad onn** quella purschida per ils affons dalla scoletta, dall'emprema, secunda e tiarza classa.

Doris Casutt-Wehrli, Valentina Darms-Vincenz, Rita Casutt-Curschellas. Ursina Casutt-Andreoli. Engraziel a Vus per tut engaschi ed il plascher che Vus fageis als affons.

Duront il **priedi** dalla s. Messa van ils affons pigns bugen en teschamber per tedlar leu ina historia dalla Bibla. Igl ei il giavisch da geniturs da far vinavon quella semplia surprisa als affons pigns ch'ei presents en baselgia.

**Per tut engaschi veseivel e nunveseivel: Dieus paghi.**